

李中麓閒居集

李中麓閒居集之四 五言排律

贈永陽子

楚產陳良氏適齊學太師卜居
楚產陳良氏適齊學太師卜居
始定感舊淚
長垂家室非無樂鄉園祇益悲
夜多春草夢日有白雲思
名以謙而重身為貧所羈
彈琴成別調覆局不終棋
煉鼎防猿竊垂簾有鳥窺
五禽時自戲獲鹿每相隨
海上方能効山中藥悉知
門多扶病客壁掛謝恩詩
獨有烟霞疾那能為我醫

夏日遊大雲寺

兀坐愁無那寺遊誰與俱
地偏人不到天熱酒難沽
日麗菩提樹雲籠寶殿珠
枯花來鹿女取水後胡奴
法相原無住色空捨不殊
何須重入定吾自偶忘吾

與李脉泉秋日遊上方井寺

久負香臺約祇因塵事牽
蹉跎當九月登眺近諸天
逸興今無減盛遊宿有緣
顛崖尋路入曲磴有雲連
嵐氣成臺榭松風韻管絃
白蓮環玉

井黃菊布金錢寶刹凌霄漢雲林遠市廛烹茶
驅鶴避洗鉢攪龍眠多寶如來藏珍珠般若泉
香生石鼎內花覆梵輪前誦偈翻金字草玄拂
錦箋澗流寒碎玉霜葉晚塗鉛野草凝秋露山
厨起暮烟洞雲長裊裊蘿月正娟娟梵樂聞天
籟佛燈照法筵遊魚紛出沒歸鳥自聯翩投宿
尋支遁乘閒訪太顛主僧初入定遊宦久歸田
法豈迷人悟教從祖胤沿不將心性認坐使歲
時遷徒住三千界勞生四十年慈航雖可涉苦

海浩無邊錫杖遊何處渡盃理自玄癡猿逐月
去罔象得珠旒寂照曾無定戒持若不堅紫緣
須早遣慧眼莫教穿深轡為三昧獨叅不二禪
鉢衣偏采澤寶月最勻圓大闢俗真本獨標天
地先慈雲能廣博誓海慢潺湲塵劫前身現毫
光寶鏡懸有誰開覺路只自渡迷川累劫終成
妄六塵捨可憐死處方顧犬魚獲即忘筌五蘊
原無念三生幸寡愆止觀追十聖緣覺匹三賢
貪著能超脫聲聞久棄捐自然弘道鍵偶爾得

真詮休問維摩語
忘言意已傳

秋夜書懷

秋容澹以蒼
露坐怯清霜
寒菊同誰賞
幽蘭獨自芳
鋤犁方掛壁
禾黍早登場
烟月籠花塢
雲霞占草堂
感時秋漸老
望曉夜偏長
聞笛悲難已
啣盃醉不妨
書因愁懶讀
田懼以多荒
身世今如此
姓名久已忘
向曾探虎穴
近卜養雞鄉
只可稱居士
莫云李太常

中秋書院初成諸友携酒過臨將夜半始

月

方欣秋雨歇耐可暮雲橫聚友咸三益飛觴條
二更乍寒嫌袷薄久坐覺心清風定金波注天
開寶鏡明山河看歷歷庭院漸盈盈影襯征鴻
迅光搖宿鳥驚玉繩俱歛耀鐵笛遠飛聲高會
當圓景書堂正落成

自嘆

愁心亂似麻病目眩生花買地常千畝積書過
五車堪為村學究不似老農家懶慢文無進耕

耘力不加年今踰半百豈若養丹砂

村遊晚歸感懷

青山嚙半日別去莫澹留烟斂孤村晚蘆殘兩
岸秋僧歸山後寺人倚夕陽樓籬菊寒猶艷隣
牛夜不收僊奴為候吏駑騎勝鳴騶世態如雲
變年光逐水流塞翁非失馬莊叟嘆犧牛橫笛
吹新恨寒砧搗舊愁食場駒皎皎在野鹿呦呦
謗以虛名起官因愚直休心長馳北闕衰不
夢東周日損潘郎貌霜凋季子裘詩慚何水部

狂學白江州鴻寶終須獻明珠且莫換山精何
處采石髓杳難求無論朝中客閒人亦白頭

張林鎮感舊

張林數大家往事太豪奢鎮日歌無歇終年鼓
亂搗妖童顏似玉美妓貌如花居止雖村落誼
譁類縣衙冰盤堆雪藕玉盞試雷芽奴有千金
產女乘七寶車春華驚一散秋草起長嗟風動
墻無犬雨多竈產蛙荒臺存石壁廢宅滿塵沙
獨有庭前樹猶啼舊日鴉

樂閒

年今五十強避世遁江鄉結友惟同調養生無
異方近村千畝地繞宅百株桑身隱六焉用心
閒日更長既非唐宿衛不做漢賢良對酒時臨
局贏棋勸舉觴雨前惟苦旱雨後却憂蝗憂苦
雖隨衆天真樂不忘

雪讌

雪嚴鱗走沙雪勢似翻鷄臘樹繁春蕊春梅有
臘花嘉賓欣聚賞名妓競誼譁舞劇明璫碎酒

酣寶髻斜寒敲吹簾簾凍指撥琵琶宴罷還田
獵爭馳白鼻駒

夜坐對雪

雲陰凡數日風定及初更乍見蝶翻影漸聞蛩
食聲堂前三徑沒望外四山平林木成琪樹江
城宛玉京偏寒惟白屋窮律屬玄英近酒燈光
暗邊分月色明深盃傾酒滿凍筆草詩成千里
歸舟阻美人撓我情

酥雪三首

柳絮疑晴雪雪如陰柳花漫天飛不盡蔽地掃
還加趣水皆為鷺啼城始辨鴉月明籠鶴渚風
起走龍沙莫效閑西客歲寒苦憶家

璫囊風外揚雲月夜生光楚館梅花落章臺柳
絮狂青山失舊色玉女試新粧寒素安其分輕
盈非所長由茲垂鑒戒不但地年康

一冬節氣嘉雪澤足而遐玉筋垂簷角銀沙遍
海涯走庭風掃葉入戶筆爭花遠客迷歸騎漁
人罷釣槎光分千里月凍合萬人家積懶今成

病微勞亦自嗟京師昔旅寓簿領日紛拏雪後
朝天出還須赴早衙

雪晴自辛安居忽聞海寇復熾感而有作
景物寒猶好病居興亦豪雪殘冬樹瘦雲散晚
峰高顯達非其願退閒隨所遭新詩慚水部舊
秩竊山濤幸免魚吞餌甘為驥伏槽居民貧到
骨海寇亂如毛憂憤無由洩床前舞寶刀

雪後送岳丈王古泉由倉副使陞任南頓
巡宰

官秩無崇卑勤廉政自宜行將譏越度不復事
收支汴水飛冰溜項城迴雪安雖云新任好猶
繫故鄉思迴首瞻東嶽丈人峯更奇

正月十七夜雪會

元夕欣纔過雪花忽又來因風如妬柳夾雨落
殘梅透饒風為力壓城霞作媒未埋隻馬耳喜
見白龍堆冰漸銷融盡花將次第開春遊客卜
日夜酌孰相陪莫放詩人走須扶醉客迴韻嚴
無警句燈後有餘盃

送種植客范心堦還吳兼訊皇甫百泉

病多花興減荒草蔽名園
幸遇吳花客旋開魯酒樽
口稱無別枝手植獨能蕃
郭橐書皆驗齊民術不煩
暖惟修冗榦寒則固靈根
內養能如此塵身可久存
片辭通大道萬卷摠空言
君去搖歸棹吾當緊閉門
相逢皇甫子首為問寒暄

送良醫陳月山

醫惟精素問運氣識周流
難經兼脉訣博覽且窮搜
針石成靈器法上古人針石之傳方書摠贅疣
軒

岐不復作華扁已難留

軒轅岐伯
華佗扁鵲

後有張同李

更稱朱與劉

張仲景李東垣
朱丹溪劉河間

近來醫道廢不免

達人憂重利惟輕義大言實寡謀證難分表裏

脉不辨沉浮故托命無救非干藥不投人危猶

未去顏厚不知羞衆羨月山子獨超俗士儔王

門長出入貴客共遨遊藥蓄囊中秘病從指下

求死生隔歲定沉痾計時瘳念我常多疾訪醫

遍九州慘然十一子陳氏拔其尤

廣西楊彝泉
秀溫州王中

白挺徽州王意菴
溪翔濟南胡菊泉
嗣廉保定霍小園
承恩并吾

章張西泉洵李屏巖燁王小村春山
與月山共十一人皆可稱名醫云

秋晚王公服郭子慰馮士仰見訪南園松

下咸稱此樹蒼古難得予因喜而賦之

二首

貯松顏自怡客至啓疎籬枕簟宵堪卧壺觴晚
更宜不防雲氣入長被露華滋盤屈如人瘦龍
從入眼奇樹頭來雅韻堦下迥幽姿勁節能誰
比貞心只自持影搖明月碎子落好風吹葉密
張團蓋年深垂倒枝本堅宜末茂不待歲寒知

老松誰所栽，偃蹇古牆隈。石裂孤根露，風生逸
響哀。蒼鱗森甲冑，青實比玫瑰。秋後無紅葉，雨
中長綠苔。鄭邀尋五粒，丁固夢三台。清夜聞猿
嘯，黃昏有鶴來。雪霜微節操，蘿蔓滿條枚。月桂
遙相望，星榆近與陪。濟川舟楫具，構厦棟梁材。
用舍惟安命，休嗟棄草萊。

賀高栢亭鴻臚得請還鄉侍母

宏臺方有名，乞養返齊城。難已瞻雲思，求伸愛
日誠。同妻問夜寢，代婢進朝羹。特犢相依意，烏

鷓鴣反哺情堂前萱正茂林內笋初生網得江魚
美斑衣又製成

憶前川曾給舍

我愛前川子神疑志不分覆杯新戒飲搖筆舊
能文龍卧何時起猿啼那忍聞比憲長嘯傲南
畝久耕耘春種待秋獲朝遊及夕曛子猷欣訪
友王粲不從軍樹底坐觀奕江邊行采芹松高
留日影浪細疊風文騏伏無知已鶴翔迥出群
檇辭追七發好古讀三墳信斷梅花落名藏諫

草焚憑誰詢動定無物效殷勤後會知何日相
思隔暮雲有時微隱逸蓬戶貴玄纁

送李九河由汴梁歸趙府

賢王久愛才君去莫徘徊歲暮遊梁苑春初返
魏臺搖黃纁變柳破白已舒梅玄髮將飄素丹
心誓不灰爐烟噴玉屑醴酒設金杯侍宴多恩
幸鄒枚日與陪

意謂謝四
溟鄭虛舟

贈醫士郭鹿仙

棄賈作良醫即為人所知丹方何者效素問析

其疑采藥蜂相趁出門鹿自隨
勤勞爾不憚謙謹衆皆推秘
自傳中藏水魯飲上池文園多病
客良劑幸相遺

電

雲黃風色惡無乃電之媒
初至小于栗移時大似杯
陽愆原有自陰伏不能開
急電天邊閃驚雷地底來
非干蜥蜴吐不減螟蝗灾
田內禾俱偃庭前樹半摧
世情趨愈下神怒何由回
夏稅急如火秋成望已灰
流亡難聚集傾仆要栽培

洶洶人情異，嗷嗷衆口哀。
有誰爲鄭俠，圖繪獻蘭臺。

秋日遊南村

出郭時方午，到村日已斜。
麥田收宿雨，柳巷掩殘霞。
鴈帶秋聲至，烟橫晚景嘉。
兔踪忙獵犬，牛背載寒鴉。
霜栗無全葉，風蘆有墮花。
南遊饒野興，莫向市人誇。

初冬村夜言懷

節序忽初冬，滌場息老農。
他營猶瑣細，嚮晦始

從容床下蛩聲碎
窓前樹影重
比鄰敲月杵
野寺度霜鍾
寒夜難成寐
明時嘆不逢
客來同卧榻
官罷定行蹤
歲久宦情淡
林泉興轉濃

同李脉泉方伯謝少溪亞卿劉後峰諫議
三致政遊女郎山

平野千餘里
南來首此山
洞溫龍睡穩
巢冷鶴飛還
咫尺市城近
超騰人世間
無名花爛熳
知止鳥綿蠻
嵐氣成樓閣
簷鈴響珮環
流光塵過眼
佳景且開顏
有客穿雲至
無官盡日閒
仙宮

同嘯傲樵徑各躋攀報國心猶赤還鄉鬢已斑
憑高堪望遠西北是燕關

荅客

行藏勞客問荅客起長嗟白社為行寓青山遠
寄家叢篁新嫖娜老樹舊查牙水濶天難辨峯
高日易斜犬馳驚穴兔鷹入闌林鴉隱僻同愚
谷風光比若耶綬遊嫌短棹直欲泛浮槎浴鷺
迷飛霧歸鴻背落霞杖藜忘象簡斗笠勝烏紗
近客開三徑載書過五車困鱗潛水沼塌翼委

泥沙自奉惟從儉
穰田望太奢窮途悲阮籍
樽物愧張華桑落村中酒
蒙山頂上茶
着茶妨死路
畚釣作生涯
綠愛陶門柳
紅看秦洞花
江淹揮彩筆
勾漏覓丹砂
史學希荀悅
騷辭擬景差
人從足下老
霜自鬢邊加
收得雙岐麥
種成五色
瓜年年勤稼穡
日日課桑麻
此外無餘事
不謙亦不誇

自嘲

年方少人衰
忘却樵機謀
棋局外興
咏酒

杯中擾擾無虛日
冷冷思梅風疾馳
呼獵犬高舉羨冥鴻
難作登龍客甘為失馬翁
廣聞資典籍幽恨托絲桐
學字今猶拙題詩久未工
進魯聞國政退不哭途窮
棄置溝中斷飄飄風外蓬
龍泉時自拂尚有氣如虹

立遯郭子更跡獨往向予索獨往詩因題

其卷

乘興御冷風孤踪頗轉蓬
囊琴常訪友挑杖不
携童形影自相吊
朝暉誰與同謀生人笑拙作

賦日求工問對惟孤鶴高歌落斷鴻一身千里
外區馬萬山中投宿行來倦扣門名姓通簪
無伴侶不費主人翁

贈高泉謝方伯

貳秩今方伯三台古上卿行看辭簿領
兼鈞衡人美才俱美心平政自平懲貪清吏治
加意恤民生數次膺殊薦三齊滿頌聲旱蝗
作祟寇盜日橫行村落乏朝食市城亦夜驚
儲難得減何計暫停征

問予何兩事

問予何兩事客坐試聽予名利機關破送迎踪
跡疎開籠調野鶴舉網得江魚食魏非其力服
欣返厥初坐惟斜倚榻遊不遠離居兄塞神應
守心閑體自舒不材真朽木有味是新蔬此外
讀書吞農書與道書

秋日懷揔督宣大江芳溪尚書因而自壯
三百同年友如君鮮與倫年猶未老大位已極
人臣玉帳威風舊金符寵命新東西為揔督南

北歷艱辛

寧崧督薊遼
歟歷中外

亭障妖狐遠河湟戰馬

屯三秋營漢壘萬里淨胡塵聲望馳玄朔姓名

動紫宸金戈雜畫戟鐵甲擁朱輪不久勒

略還應秉國鈞如予真鄙劣釣叟共沉淪

少知己感時多病身鶴猿長作主鴻雁正來賓

空有匣中劍難為席上珍莫輕蛛腹小自負

絲綸

隱居

城市厭紛華雲林別有家小溪分燕尾怪石錯

狼牙煙外茅亭小橋邊柳巷斜群鴉爭古木一
鴈落平沙峻嶺人難度多歧路易差驚蛇先打
筆撲蝶悞傷花早起防朝露遲迴戀晚霞新來
通地理追悔走天涯不著登山屐何須泛海槎
夢覺定檢約作訓戒驕奢大宴纔烹鴨小營只
釣蝦門前途父老相與話桑麻

寄胡栢泉少司馬

同榜南畿士誰能邁等夷為滁成志傳知子善
文辭不但中郎篆更兼少婦碑司文陳武畧遷

秩任遶陞歲月猶玄髮鄉山憶紫芝得歸乃夙
志起廢出公推材大湏梁棟功高列鼎爨名從
南國重文不北山移努力崇明德宅心戒暗欺
古稀今鮮儷右有左咸宜入作少司馬將來老
太師再聽虞帝樂重覩漢官儀予見不能早官
休已是遲束書為睡枕當局善彈碁雨後扶耕
耒溪邊把釣絲別來林下事特報故人知

六月中旬重遊女郎山追憶同遊舊侶半
已物故存者又遠在一方如郭似菴皇

甫百泉輩是已有所感愴作為此詩遍
示新同遊者

言念舊相識令人空太息
宦遊忘爾私隱居食其力
波濤隔重泉生存羈異域
山川再遊遨歲月曾催逼
天熱倍三分日長減一刻
升高汗濕方慙淚沾臆
往事已如斯未來安可測

懷大司馬楊虞坡

始仕年方少使民不忍欺
歷遷崇品秩重望繫
茲方敏夫籌邊務忠誠結
主知有光家國學

不負聖明時
剛介心如石
憂勤鬢有絲
犬羊常款塞
鳳鳥自來儀
功已旂常著
名將竹帛垂
上虞天保詠
下視栢梁詩
不日調金鼎
瞻天拜玉墀
予慚何所有
農隱乃其宜
一別十年久
寸心千里思
舊遊如夢覺
後會杳難期

上致政太司馬東渚陳公

聲望滿京華
行將拜相麻
正卿曾兩部
崇秩歷三衙
忽動歸來興
豈云識見差
成功身可退
全節玉無瑕
纜解春橋柳
堂開夜宴花
難酬新雨

露苦憶舊煙霞園卉迷朝蝶庭槐聚晚鴉比公
先去國愛我忝通家相約齊城下同鋤五色瓜
贈慕容陳國用有序

燕京人陳琬字國用圖慕容雙陸皆可獨
以象慕容擅名舉世無與抗衡者惟張希
秋尚未有會為避小嫌出京餽館章城
有友人薦之德府與希秋相較亦勝
之矣獨予長饒一馬經年止和數局餘
悉敗北人咸稱予只此一藝可高古今

聞言惶汗殊不自安役其心於無益事
猶夫朱泚漫屠龍學雖成而無用國用
不但優於碁而且優於行謙讓退藏彼
輕浮淺露者望之自然歛退諸相知以
為先是以碁技謁者俱贈之詩此則不
可獨無也遂有是作

生而衆技優碁事又其尤見者讓三舍遇吾輸
一籌避嫌辭帝輦因薦謁王侯心小二無
失眉寬百不憂退謙來敬慕儉約恥干求此際

桃花候來時，樹葉秋。旅遊爲日久，世事等雲浮。
未返王猷棹，已穿季子裘。明珠光照乘，寒向暗
中投。

上盧江王

宗賢隨處是公議，首盧江。宜竹惟淇地，分茅在
鄭邦。虔誠禮北斗，彌傲倚南牕。才美人多羨，名
高世鮮雙。朝吟揮彩筆，夜讀照銀缸。文思如泉
水，琤琤出石淙。

贈何雪筠文世

相憶已多時，相逢出不期。
無端吾屢病，有賴子
純醫。兼擅先天易，不為後世詩。
風飄輕遠道，月
桂戀高枝。山海方與內，興豪任所之。

謁范文正公祠

地原章邑屬，分割自先朝。
望遠情無那，登高興
自饒。賢祠先一拜，時老謾相邀。
棟宇雖將蔽，英
靈尚未消。虔誠瞻遠貌，蕭颯起寒飈。
厚德流千古，積功非一朝。
中心惟耿耿，讓口任咷咷。
孰竊古三朝舊傳經，一脉遙如孫明復得其傳著春秋尊王發微金戈未

北熾夏斗已西挫有言兼有勇

東坡有序其集謂孔子有德

者必有言非有言也德之粹於口者也

又曰戰則克非戰也德之見於怒者也

無驕

貧無驕

歲有春秋祀名同日月昭不須觀

宋史且莫信邊謠誰道無窮報而非由德招

壽致政總督宣大大司馬舜澤蘇公

總督昔宣大德威今尚傳三秋閑甲馬萬里息

烽煙殘卒回生氣窮民解倒懸用兵神豹畧橫

棚賦雄篇望重三台麗官尊八座聯天王親

授鉞督府獨持權番戍鴻秋至安居犬夜眠酣

歌彈寶劍較射注繒錢出作 當朝傑歸稱陸
地僊生辰七夕後致政十年前門外團飛蓋堂
中列壽筵紛紛賓客滿箇箇子孫賢龍篆書詞
賦鳥聲雜管絃妖童歌宛轉嬌妓舞蹁躚松栢
操能後文章誰可先東山徵謝傳西域返張騫
曳履星辰上垂紳日月邊壽民兼壽國莫道老
林泉

贈別歌妓

相逢正仲秋相別臨初夏景促莫須悲心安火

委化堂中共笑喧林下多閒暇同輩獨超群名
娼亦不亞爾子子減愁予為爾增價此後御歌
筵懷思耿不下

少年子張玉遠謁意欲久在予講下以試
事忽動歸興時正仲冬寒甚詩以送之
舊友雖多皆已成翁老見必喜是亦人
之常情云

舊友成翁久美人幸我過相期長侍教忽復唱
離歌歸有餘師在試將童子科驪駒行色促綠

蟻醉顏酡雪霽山如畫
冰堅水不波客衣無乃
薄遠道暮寒多

今年不與去年同齒
齒頭童一老翁
墻下殘葵猶向日
枝頭病葉寧無風
燎形擬用初三月
吐氣還如萬丈虹
久軍談兵競武略
何須操筆做文雄
辭官尚在繁華地
便欲還人東海東

秋夜梧桐

幾株高聳梧桐樹
秋後森森更可觀
避露最堪眠榻穩
吟風偏助酒盃寬
影搖東壁蟾初上
陰滿中庭夜已闌
成木于今淩碧漢
始生尚記雜叢蘭
托根豈異玄溪上
得用宜將馮翊看
不藉

繁枝藏宿鳥惟留老幹待棲鸞霜華故把琅玕
折聲韻還同砧杵寒為報西風吹莫盡詩朋相
據罄交歡

十六夜月

三歲中秋俱不月今宵月出尚宜看浮雲一掃
金天淨宿雨初收玉露寒為愛清光千里共誰
云素魄一分殘乍離海嶠星猶爛行到中天夜
未闌正值山妻初病起笑歌同得盡餘歡

季冬念日有事西村途中口占

驅車西邁擬飛塵，彼美人兮濟水濱。
子出母多今始悟，田荒農惰往休論。
愧將禮樂稱先進，要付詩書與後人。
百歲光陰蘄過半，一冬筆硯懶相親。
恠得雪消風不勁，只須三日返青神。
是月

三
日
左
春

五十三歲生辰自壽

堪嘆吾生五十三，况逢初度豈勝慙。
知非日久非猶在，學易年過易不諳。
才薄最宜長棄置，志衰不復夢朝參。
蓬孤已負初生望，壽酒聊為終

日酣自恃當時能寡慾雖臨老景必多男厭居
鬧市羅華宴定向幽巖結草菴眼暗齒搖俱不
憲蒲英黃菊徧山南

菊花明目蒲
公英固齒

冬至日雪

正當長至逢飄雪喜與窮冬借物華一歲夜長
今已極半生命蹇病仍加不能拜關同鄉曲
數欲移家向海涯樓外凍雲無過雁堦前積絮
惱飢鴉不嫌東郭先生履自煮前朝學士茶頻
改寒門為玉宇即看枯樹發瓊花圍爐俯聽歌

兒曲掃經難來長者車布地朝來惟木屑讀書
夜半映窓紗能吟詩客呵吟筆罷釣漁翁倚釣
槎從此大東歌歲稔宦遊豈若作農家

至後復夜雪

日暖雪消疑臘遲夜來再雪應寒期堪憐韓愈
行難進自是袁安卧最宜十二飛龍朝玉闕萬
千舞鶴下瑤池黃精難搗長鑊折冷氣能將短
褐欺落近燈花疑闌麗映來綺席更增奇誰如
剡水乘高興仰羨梁園構藻思柳絮才高稱謝

詠麻衣喻切有曹詩遺蝗潛入深無地凍雀群
依最下枝此夜飛花咸六出明年獲麥必雙岐
東方足食無他慮北闕呈祥有妙辭棋友明
朝多見訪掃門煮茗願追隨

再雪喜而再賦二首

數日風微雲不收雪隨風力冷飈飈滿庭珠玉
踏還碎萬頃玻璃疑不流細剪梅花當曲檻輕
飄柳絮滿歌樓北荒明月遙堪比出劉嶠雪賦東武
高風世莫傳對舞青鸞疑是鶴群飛錦雉認為

鷗游揚久立程猶睡鵝鴨爭呼蔡可謀塞路偏
宜曹植馬販飢亟脫景公裘暖融火硯詩乘興
冷酒叢篁玉喚愁當日穆王哀凍餓歌殘黃竹
罷巡遊

隨衆為農歲屢遷今冬雪比往時偏瑞烟裊裊
簾珠濕石乳垂垂洞壁懸墜葉飄花堆玉樹凝
輝絢素滿瓊田久停綠筆難成賦貴買烏薪却
費錢珮珮有聲如折竹紛紛無數類飛綿侵凌
盡燭光先動照耀華堂色更妍趁暖忽融茶竈

內隨風故落酒樽前不徒聚友同歡賞他日還
書大有年

大雪

小雪爭如大雪稠大寒更比小寒愁烟迷蔥嶺
山如失冰結璇源水不流玉兔寒光侵玉樹銀
蟾冷魄落銀鈎平鋪地軸多難戴倒漏天河浩
莫收霜葉翩翩搖不定雪花撩亂若為儔金城
柳絮當三月玉井白蓮耐九秋異靄霏霏盈魯
甸同雲藹藹覆齊州登樓倚檻頻遙望不出門

牆可坐遊

憂世

百年生聚樂升平
海涵人情近不寧
糴穀繞完催市馬
科銀未已更徵兵
吏貪更比官貪甚
米價頻增物價輕
歲歉貨物多不售
東國民窮朝不食
西方地震夜猶驚
江南財賦三之二
倭寇深防織

與耕

送棋客吳橘隱兼及吳升甫

天下名棋有二吳
晝長對壘夜披圖
豪遊湖海

名應滿遍謁公卿與不孤
聲利場中猶腐鼠
乾坤身外一籬廬
走穿足下陳橋履
羸得腰間金僕姑
偶爾遭危因少算
當其得意必高呼
雖云國手同推汝
臣奈強兵獨有吾
每讓三先難作埒
縱饒一馬亦長輸
亡羊只為多岐路
待免何須但守株
寄語嵩陽劉給舍
年來我更善樗蒲

禱雨感應篇為萊蕪楊大尹作

龜紋處處滿平田
亢旱如何望有年
躬祀不辭勤漢時
膚雲忽已發齊川
瀰漫望外青山失
變

隤江邊宿霧連
閑閣思無為
政過隨車真見使
君賢臨民素不煩
三尺得暇惟應弄
五絃憔悴四郊今
足雨虔誠一念可
迴天洒來岸柳絲
絲細滴向池荷顆
顆圓玄燕捎風驕
遠漢白魚駭浪出
虞淵他年定列循
良傳此日先為感
應篇

賀谷少岱喪目重明

目漸昏花隔面牆
視而不見倍煩傷
誰能代筆憐張藉
豈是悲亡類卜商
善聽當筵歌妓曲
怕遊結客少年場
金針落處無雲翳
玉藥敷時閉

日光翰墨從今傳歷下不須想像賦高唐

冬夜王鳳洲憲副見訪近城園中有詩相

贈依韻奉荅

近園正與懶相宜被黜還同桺士師身墮青雲
知己少髮飄白雪向人垂行春訛報仙旌去薄
暮忽驚客棹移寒氣莫侵虛左席早花已發向
南枝揮毫獨羨成詩速秉燭同遊引步逢絃管
風中聲斷續亭臺月下影高卑屢承臺使情無
已為愛山人心不私自愧徒工巴下曲何能繼

和郢中詞

用前韻自述

仕路機閑百不宜思尊張翰是吾師當筵慣聽
歌聲沸侑酒長看舞袖垂水月池中金鏡現雲
山門外錦屏移不同烏鵲飛三匝願效鷦鷯守
一枝轉眼窓前流影疾關心塞上捷音遲向逢
朝貴腰難折今耦田夫省且卑下榻相邀皆契
執上書報罷荷恩私龍潛豹隱隨吾分何必深
憂賦楚詞

再登前韻詠張良

運籌決勝中機宜三寸舌為帝者師為報韓讎
長憤激力扶漢業已昭垂鴻門有會危能脫博
浪無成志不移出水蛟龍變碧漢擇林鳥雀得
高枝偶逢黃石雖云早相伴赤松亦未遲天上
彩雲容易散眼前紅日又將卑名高毀集誰能
免身退功成自不私三傑齊名君獨最史臣豈
是飾虛詞

因衰自警

自幸當時早拂衣，悔居城市願多違。
終年應客無閒暇，鎮日因人判是非。
晚食一枚門齒落，晨梳半縷頂毫稀。
聊成事業如無事，勘破機關始息機。
家務從今猶懶顧，深藏不但宦情微。

挽雲岡龔狀元

托使馳書將候問，訃音忽至不堪聞。
半生東觀編青史，萬里南天望白雲。
高塚麒麟為塋地，深山鹿豕與同群。
啣盃誰似稽中散，名筆重亡王右軍。
上第閩中常繼武，自君及第後閩中廢會
兩試中前者甚多

高才泉下尚脩文與人作傳生平事史館今將
首傳君

壽少岱谷知縣八十歲

苦吟詩骨從來瘦戰勝翻驚道貌肥林下清風
嘯暮景天邊遲日駐斜暉頗為縣令投簪去不
羨隣兒負弩歸友盡老人行曳杖孫雖幼者立
勝衣由今壽筭應無限前此十年已古稀

村中書事一韻二首

田野情濃早退耕無才豈敢厭承明池邊種竹

供魚釣庭下栽梧待鳳鳴新喜交遊多墨客舊
曾侍從濫清卿坐消歲月甘肥道思挾風雲苦
瘦生薄命何時逢狗監認前徒賦子虛成
分宜躬稼與躬耕疎拙何能事 聖明脫餌因
鱗驚遠逝伏車良驥不須鳴身披鶴氅同王子
口吐雄詞魏長卿水宿絃歌明月墮山行杖屨
白雲生以茲忘世兼忘老莫問金丹成不成

豫作壽藏有序

予性好遊獨喜秋山以春風夏雨冬寒

云耳客有說之者曰與其浪遊何若豫
為壽藏乎遂然其言藏成而有是作

遨遊且遣目前憂久遠須為身後謀四序秋山
堪曳杖百年夜壑待藏舟玉樓天上星河冷金
粟岡前歲月悠五氣衆生尊郭璞兩間塋具美
莊周山村無限行當剪鬱鬱惟將檜柁留

挽南戶部劉貞菴

草堂一所纔容柩夜宿親賓靡所投老去惟耽
書冊癖生來耻作舍田謀堪憐文士今無後允

在相知與有憂十載一官無長物孤魂千里附
歸舟世情太薄誰青目舊侶雖存盡白頭仰望
天高難得問善人何獨不蒙休

挽東臯魏省祭

冠裳被體離燕臺農僅無饑吏有才衆惜生前
動薄產誰于歿後莫殘孟鼎中叵奈黃金耗鏡
裏曾驚白髮催歲月半從愁裏過英靈屢向夢
中來荒園情僕鋤青草廢徑無人長綠苔幽室
城邊從此閉蓬波川上幾時廻那堪手植村邊

樹風雨蕭蕭更可哀

五言絕句

四戒詩

戒碁

名擅棋中聖心神良以勞雖云稱坐隱不著更

為高

語云棋以
不著為高

戒詩

李杜詩名遠人云亦酒徒眼前雖得句刪後摠

然無

戒花

偶動看花興旁求及遠方春來闢嫌娜實用是
栽桑

戒思

日夜勿多思思多脾氣竭能添鬢上霜更耗心
頭血

紀夢

旅寓燕京日常撻田里思歸來頻入夢猶是
朝儀

靜修

靜修罷登眺豈因力不堪雖非三忌日兀自不

離菴

每月初五十四二十三皆為忌日諺云老君不出菴

問僕

冰檻可乘涼火輪真堪畏許時不出門湖內荷
開未

遊近城園

路曲園非遠林深夏亦涼妖童隨杖屨嘉客共
壺觴

感時

今為河朔飲尚記剡溪遊寒暑遞相代遊川不可留

十七夜

望當十七夜數歲一相遭亢旱無雲翳分明見兔毫

放居

日日添疎放示無仕宦心矜持太作意仍望出山林

值雪寫懷三首

度嶺樵迷徑投林鳥失巢仕途當更險誓不出
蓬茅

天花雲外墜夜色月中浮奚啻梅宜臘還看麥
有秋

不蓄干時策又非忘世客愁多如雪山一夜便
頭白

觸雪懷古

啣殘蘇武毡服破王恭氅處變及安貧高風俱
可仰

雪中雜言三首

鶴氅猶無暖貂裘不能寒門前看過旅大半著
衣單

細比銀沙撒明將玉鏡欺入窓濕紙上掃興不
成詩

迎長佳節後幾次雪飄花不辨冬青樹爭觀梅
白華

夜宿繡江岸

漁火時明滅雲山半有無月升風乍起變態只

演史

贈朱揮使嗣勲十二首

便捷負奇氣困窮有令名射飛隨手落許國視
身輕

雄材不久棄行見鎮邊關劒拂霜花冷弓隨月
影彎

年年蒙小委日日逐飛塵未試千人敵空閒百
戰身

演武惟前輩年來大不如宴遊閒士馬揖讓事

詩書

端倪聊小試千里可專征
彈鋏雄心動敲棋殺氣橫

智可揔三軍乘時早樹勲
恢宏龍虎略掃蕩犬羊群

勸君且自重才大終須用
何必託沉疴告閒食半俸

奇功未得成心事不能平
吹笛閒消遣翻成出塞聲

乍逢貌似寢徐視氣威稜無物投其好有能又不矜

躍馬據征鞍千人俱改觀不惟當一面八面亦無難

祖藉原畿服隨官隸濟南聲基真有自繼世可無慚

分間要分憂戈矛及早修長驅不憚遠豪氣浩橫秋

空塵詩為華生時鎮賦三首華善寫盡

物外一閒身真空不染塵有時為繪事意古筆
鱗皴

靜裏道心生書齋遠市城一塵飛不到萬籟寂
無聲

村舍幽而曠輞川似不讓紅塵半點無何況有
千丈

六十子詩有序

予自嘉靖己丑入仕途幸不見棄於賢
士名臣騷卿墨客雖會有久暫交有淺

深然其不逆於心而相期以道者可但
百人林居細數半已物故間有志已伸
而功可述者然不得志者衆而赫然可
述者少五詠八哀今古同懷病中不能
長詩各為五言絕句或舉其一事或槩
其一生而叙交情為多揔之共六十人
而詩數亦如之靜室披閱恍如覩其貌
而劃然聞其聲著棋人謂之坐隱觀山
水圖人謂之卧遊此則可謂不出門之

交云 丁巳八月望日中麓子題

劉近山璣陝西咸寧縣人進士戶部尚書

郡守即正卿身不失微名黨禍免波及知幾去

國輕離郡終一歲而為正卿人皆服其見幾

馬東溪昊陝西寧夏衛人進士副都御史

文臣有將才遠邇人推戴 朝議首徵公一疾

不少待

韓野田福陝西西安衛人進士戶部侍郎

才是禍之胎何須有更才志文乃絕筆讀罷令

人哀

以才名基禍謫成年八十餘豫知死期自作墓志

王漢陂九思陝西鄜縣人進士檢討

戲編今麗曲善作古雄文振鬣長鳴驥能空萬馬群

康對山海陝西武功縣人狀元修撰

早歲中龍頸忤時蹈虎尾文辭追古雅身識真
雄偉

李蒲汀廷相山東濮州人探花戶部尚書

贈太子太保謚文敏

公魁多士日計齒我初生少府真高義忘年友
正平

何栢齋瑤河南河內縣人解元進士右都

御史

古朴無他好有時詞與棊知予各善此遣僕不

能追人何公以執古敦朴名天下嘗造其廬而食

之既歸行寓候吏賀曰何老素不留客今日破

費如此真異事也別後知予善棊與詞罵其僕

馬谿田理陝西三原縣人進士光祿寺卿

經生長滿座華聞及朝鮮

嘉靖初年高麗使臣齎其國王表辭頭早

將馬理起用仍乞其文集傳示彼國

生未登台輔歿當作地仙二有

道人請見老夫入辭以翁方倦卧不必通道人

嘆曰特來度作天仙乃故欲作地仙耶是夕地

震壓傷土窩中

呂涇野柵陝西高陵縣人狀元禮部侍郎

著述擬河汾不徒言有文一時推正學百世挹

清芬

陸儼山深南直隸上海縣人解元進士詹

事府詹事贈禮部侍郎謚文裕

博綜及七略才識擅三長 經筵及史館簪筆

更含香

崔後渠銑河南安陽縣人進士

禮部侍郎贈尚書謚文敏

後渠有道士經學極沉思偉略何曾試洎辭非

贊辭

趙府刻其集名洎辭

顧未齋昂臣南直隸崑山縣人狀元光祿

大夫 柱國少保兼 太子太傅禮部

尚書武英殿大學士贈太保謚文康

蚤年直玉廬政府晚舒徐 欽命嚴居守京都

得宴如

王浚川廷相河南儀封縣人左都御史兼
兵部尚書

臺綱能獨持宿德真吾師身沒名難浚斯文諒
在茲

張東谷茂蘭同邑人進士運同

廉名海內稱宦況冷如冰出即遊方士居同蒿
髮僧

段河濱吳陝西蘭州人進士檢討

翰林清似鶴附鳳凌長風孰使鍛雙翼仍棲葉
簿中

蔡鶴江昂南直隸嘉定縣人探花禮部侍郎

當朝太史公綽有古人風旅襯踰淮日衆嗟志
不終

馬西玄汝驥陝西綏德州人進士禮部侍郎
贈尚書謚文簡

行業如圭璋文辭光琬琰歷官至亞卿身後不

能殮

卒於官橐不滿十金殮殮費俱同官及司屬出辦殮

王中川教河南儀封縣人榜眼兵部侍郎

墓木拱松揪遺書使者求吾非私舉主文行孰

能儔

已丑會試場予座主也

毛心葵良祥符縣人南寧伯

下品費高價得鏐即買畫詩詞時有作名士不相下

崔岱屏无山西代州人特進光祿大夫

柱國少師兼太子太傅駙馬都尉京

山樵

交人最有情
文筆誰能過
天道似無知
子亡家亦破

吳順山仕南直隸宜興縣人
解元進士提學副使

傾蓋客途中
一言臭味同
別來逢便力
聞問數相通

張龍湖治湖廣茶陵州人
會元進士禮部尚書兼文淵閣太學士謚文隱

先上薦揚疏方為中麓文不才身既隱二事莫

慙慙

龍書相湖魯許為中麓說文久稽非敗有忌對佛談經以

自是難事且以塵歎中俗吏而言清涼境界高

人舉華而投者非一次矣操布鼓而過雷門終

當獻醜待上一薦疏後方償此文債也予得書

馳復之曰入山以薦疏後方償此文債也予得書

隨人又居冷地熟視熱場無味二事俱不勞記

念未幾龍湖卒世有真西山魏鶴山之惜予詩

惟述其相愛之深至於峻節宋學試而未盡之

沈竹東麟

入錦衣衛千戶

竹東善聚書文雅更無如出使晉陽日揮金猶

土苴

曾同刑部周郎勘事山西有餽之千金者却而不受餽者曰如燃輕請益之公曰吾

托祖

宗福康世襲銀衣萬有一點禍水彈及吾身所失不亦多耶

倫白山以訓廣東南海縣人祭酒父子三

无

名出士人前天魁方少年病沉今已矣誰續子

長編

潘樸溪漢南直隸婺源縣人解元進士兵

部尚書

著作十餘種獨無詩與詞試而已得效于以垂

宋規

所著有文寶文政集成刀筆山亭集言及戶部奏議留曹敷奏等十二種存切實用

可久
傳世

童內方承叙湖廣沔陽州人進士左庶子

金馬老辭臣雄談能動人豪賢在近侍不必訪

垂綸

崔東洲桐南直隸海門縣人解元探花禮

部侍郎

久遠金馬署遙向碧山樓帳別雲天遠瞻依海

日低

胡蒙溪侍陝西咸寧縣人進士原任鴻臚

寺少卿

抗節古人行身潛名愈揚為詩不數卷太半似
初唐

林方齋文俊福建莆田縣人進士禮部侍

郎

聖皇幸國學聽者圜橋門善講明良詠素稱師

道尊

癸巳年太學公講
明良賡歌分洲稿

羅半牕輅應天府江寧縣人進士大理寺

少卿

半牕吾益友滿座汝相知盡日談時務有時較
弈棊

高蘇門叔嗣河南祥符縣人進士按察使

蘇詩能入室何李只陞堂須具方臯目能超驪

與黃

陳龍圖刻其集序畧云謝絕品流因心師
古每有屬綴佇興而就寧復罷閣不為淺

易之談故其篇什直舉曾情利決浮華存之隱
冥獨妙間曠合於風騷有應物之冲淡無曲江
之沉雅體孟王之清適具岑高之悲壯中麓子
斷之曰何李雖成大家去唐却遠蘇門雖云小
就去唐却近蔡白石王巖潭以蘇為我
朝第一其言雖過要之不可盡非也

三言集卷十三
廖洞野道南湖廣蒲圻縣人進士翰林學

士

洞野贍文辭心忙步却遲仕途難速化身死有
餘悲

左中川國璣河南祥符縣人舉人

文不中時選飛書是所長詩篇雖富麗惜與人

偕亡

詩無副稿身後被衆客
商改換首尾壞為校作

姚明山涑浙江慈谿縣人狀元學士

遣子來從學為予有異書聞憂南去日惜別各

款款

翁東涯萬達廣東揭陽縣人進士兵部尚

書

是處著才名南安北虜驚請觀鄒子志雖死實

猶生

志文乃鄒
一山作

張崑崙詩都下人處士

詩文數百篇壯麗世爭傳我有延陵劍何時墓
上懸

吳皖山檄南直隸桐城縣人進士副使

武選持公是憲臺整大綱為詩得古意口乞又何傷

李方泉學詩山東平度州人進士修撰

夢應桃花洞情酣竹葉杯

君性好飲將鄉試之
前州守夢一桃花洞

少年中選其所讀書處即洞之麓也笑言雖簡靜文學却蕪談

左石臯思忠陝西耀州人進士吏部員外

郎

莖仕海東令超遷吏部郎左思有妙思肆筆便

成章

江午坡以達江西貴溪縣人進士提學副

使

徐子東來日江書寄一函墨濃白地少文古勢

以巖

徐波石宦遊東方魯寄其書問江文素高古字如倒瀉墨池語曰寫字無大小用筆

全在巧鋒芒暗裏藏白紙須留少

岳雲石倫萬全懷安衛人進士工部郎中

屢疏敢言事名高毀自來叛軍再作孽良策與

時幸

先以劾權貴謫外後以諫南幸失官大

奇其疏嘆曰是所嘗劾我者耶將大用之已而謗言興而事體變矣

李石疊宗樞陝西富平縣人進士僉都御

史

詩章非不美諫草實為難詩但稱名作諫能折
巨奸

王夢澤廷陳湖廣黃岡縣人進士原任給
事中

馬卿病未愈徇監薦難遭終老湘江側憂心續
楚騷

袁胥臺袁南直隸吳縣人解元進士僉事

遭讒籍已除赦用返田廬遠效虞卿氏窮愁只
著書

蘇太華清河南祥符縣人解元定州知州
郡守不周歲鄉魁二十秋中山嘗再過衰草自
生愁

羅浯溪虞臣廣東順德縣人進士原任吏
部主事

百粵孰能文渭厓獨推爾我知非過情曾讀華
原子

皇甫少玄潯南直隸長洲縣人進士僉事
夜讀少玄集燈前愴我神謫遷已足惜况作古
之人

謝與槐少南南直隸贛縣人進士布政
臺館屢遷轉因而謫外僚文談兼偉貌一鶴唳
清霄

白洛原悅南直隸武進縣人進士尚寶司
卿

字得古書法文期作者流一官旅進退命也復

何允

陳龍岡東浙江鄞縣人進士提學副使

今詩誰擅場妙悟獨龍岡四傑年何促二張譽

自長

陳子初號後岡後放龍岡

袁西溪公冕同邑人舉人通判

風騷善笑談在處人知敬濟北著詩名汝南數

善政

張西臯應祿同邑人舉人

命讐忘未伸才大性難馴交結鮮知己文章多

誤人

林東峰大欽廣東海陽縣人狀元脩撰

廢書惟講學終養却遊山改轍從吾諫高踪不

可攀

東峯與錢緒山王龍溪林東城幾十人終日講道誓不讀書作文已得旨終養却

遊西山父不啓行因為書勅之得其音曰當即如言其受善勇改有非他少年可及也

左東井鑑南直隸涇縣人進士尚寶司卿

身已先朝露文猶炫晚霞堪憐伯道絕王燦更無家

陳方齋節之福建閩縣人進士中允

貌美似和易其中有執持閉門長覓句對衆不
談詩

田莘野汝隸河南祥符縣人舉人兵部司
務

遂歲遠離鄉堪憐田子方客中金易盡只有一
詩囊

馮冶泉惟健山東臨朐縣人舉人

可惜大馮君善書更善文有才終不售今又一
劉蕢

杜研岡柘河南臨潁縣人進士金都御史
一疾即重泉相知無不憐刻詩傳洛下遺像儼
生前

梁默菴嶧山東東平州人德府左長史
才大復多聞氣豪迥出群一官終未達諸子摠
能文

陳寒溪麓福建莆田縣人進士尚寶司卿
鄉閭曾舉主仕路更相知官羅有餘恨人亡無
見期

即事

甕中酒未熟
籬菊已黃花
狂興終難已
戴花覓酒家

送杏里郭夫人喪途中口占

送葬北村來
吾家葬亦近
勤勞所不辭
心恐未能盡

紀遇

風吹紅色淡
雲助綠陰濃
花外垂楊下
麗人幸一逢

高士

尋幽遠避人雲水一閒身
漢室虛前席商岩步後塵

寄題三溪李氏園

交翠亭

亭前聊縱目何以伴幽獨
不但樹交花仍多交翠竹

巢雲堂

草堂雲不開景物比蓬萊
試問巢雲客無心雲

自來

環秀亭

柳影蔽亭前
荷香侵座右
秀惟因水多
環水自環秀

野逸堂

四愁不累心
一榻堪容膝
追憶市朝忙
始知田野逸

六言絕句

同陳泰峯遊道院十首

勞却能枯水髮雲林可遠塵氛走簡相招道友
更衣同拜真君

清磬遠聞別院奇香常遶仙臺紫氣青牛已出
白雲黃鶴重來

秋肅石潭湛碧風微霜葉翻紅曾訪修真異境
偶逢崇道仙宮

雲外遙開桂殿月中閒扣松樞玉几玄書石室

金經丹竈方壺

暫避緇塵濁世來尋古跡仙蹤地靜猶嫌雀啅
水清疑有潛龍

人世堪憐石火壺中別有人家雨過晴流石髮
露濃夜長雲芽

蝸篆高標洞府虬枝低掃宮牆石裂苔衣莫補
日斜松影偏長

拾得荒堦鶴羽摩挲老樹龍鱗鬧市不堪避世
古堂可以棲真

山下深藏鬼谷雲邊特立仙壇但得身無俗累
何須首戴黃冠

古殿長屯紫霧荒池仍響寒泉華表鶴歸幾度
鼎湖龍去千年

題雪二首

雪後千門一色雪前萬里雲同粧作假山堂下
願天且緩東風

陳國後庭玉樹揚州觀裡瓊花異景祇宜貴府
何因亦到寒家

南園牡丹六首

城外牡丹舊會樽前歌妓新粧映日可稱二絕
臨風須盡千觴

翠袖高擎綠萼金冠巧砌紅雲園卉俱當北面
野筵自媿東君

日出依然帶露春殘尚有微霜好似啼紅怨婦
不殊傳粉何郎

綠葉自相隱約奇葩漫闌輕盈莫倚傾城艷色
能含不語深情

一半舊蕾淺淡幾株紅紫鮮濃欲吐檀心戲蝶
輕籠翠幄防蜂

不御鉛華國色有如金縷仙粧日射盡欄逞艷
風來別苑分香

七言絕句

得新曆書因成二絕句

新曆封傳三十冊呼奴分送與鄉隣農人重麥
如金玉首看來年幾日辛

周正曾來闌子月我今得曆在初冬數時探節
欣童輦較雨量晴慰老農

頃遊南村行坐即為鄉人所讓客有疑而
問之者不知予行本尊止以為年高不
壓職也鮮以是詩

閭里相逢惟序齒就中揖遜又論親
下惟父老推前輩自謂羲皇以上人

送王生還姑蘇

魯許王生送別詩手携素卷故相辭
大寒不遠倭夷亂留待春融去未遲

過張二墓

枕邊遺囑言猶在隴上經春雪未消
幾欲臨風歌楚些遊魂杳杳不堪招

憂旱

山頭長嘯倚天風，攪雨雲垂斷續虹。
農事一年今仲夏，可憐亢旱歷春冬。

古意

人生亦自有羈縻，不但城頭烏夜啼。
三匝飛鳴無定所，一枝何有上林期。

即事偶成

葵榴城外報將殘，欣賞何時倚碧欄。
冗事惱人推不去，呼童折取入城看。

夏日有客相訪

暫時客至不曾留，猶隔蕉裳雨。汗流理罷簿書，還候謁朝臣。此際得無憂。

題驛壁

馬蹄已鑿尚騰驤，萬里途長日又長。奔走利名如不及，人心更比馬蹄忙。

友有聽信星命，抱病干進者，詩以誚之。
星士能將命運推，青雲難致病難支。累書不報仍干主，一藥無功便改醫。

暑月遊山前

澗無流水樹無枝避暑山前暑自隨雖是登山
經險阻不同仕路計安危

戲為一韻七絕句

秋後森疎涼似洗日前鬱熱可流金炎涼世態
真猶此且覓鍾期共賞音

臨水登山無限樂學荒徒費買書金東山蒼白

烘雲氣

白即長山

南澗琮琤憂玉音

雅調失傳須按譜遠書難得比南金佳人夜坐
歌新曲良友朝來有嗣音

願為待價深藏玉莫作驚人躍冶金
會友年來多物故更從何處訪知音

邊事一絲懸九鼎古人一諾重千金
憑誰許國開方略組繫名王報捷音

好文不識長卿賦俗目爭誇季子金
伎勢方張賢士隱北人今只嗜南音

可惜青年今白首何時丹竈出黃金
有如古樂非難復只是無人審八音

至日雪一韻三首

客未臨門掃雪花定因令節拜吾家蒙

恩是日寬冬假回首京華感歲華

籬外疎梅凍不花無因粧點野人家拜冬蒼客
過隣舍冒雪俄添兩鬢華

雪花飄蕩即為花客夢歸家不是家今日家居
逢臘雪令人撫景惜流華

席上雪二首

雪片俄從錦席飄瓊姬佯醉不勝嬌古人取喻
猶無當風柳將來比舞腰

華堂夜賞燒銀蠟玄圃朝看盡玉畦積絮何時
隨日化欺梅無賴壓枝低

因雪感懷四首

天邊不月通宵白窗外無風弄竹聲自許忘情
年已久偏于此際動離情

梅花伴雪不勝清雪壓梅枝向路橫若使浩然
今尚在霸陵橋上又詩成

凍雲入戶坐人衣帶得雪花疑不飛月落天明
客未發猶疑夜月吐斜輝

暴著雪天真白戰律吹寒谷有餘音歲窮又見
陽和轉覆局從今戒殺心

雪中聞邊報二首

今年屢雪異常年因雪成功古有然聞道遼兵
多戰沒誰如李靖奪祁連

遼東被虜誘殺五千
人無還者損折幾捷

兵間遊擊
各一員

甲士材官滿九邊可憐勇略不如前雪擒頡利

真難事但得支持已是賢

近如松岳之邊
外堵截張絃之宣府

衝鋒李冰之雁門迎
戰則已赫然稱之矣

雪霽夜寒

氣結雲凝雪不晴
雪晴窗栗朔風鳴
縱教受盡三冬冷
贏得虛窓一夜明

邑侯澍應謠

風外喧傳歌誦聲
雲拖暑雨滿山城
雲來不爲催詩黑
穆穆輕風比誦清

雲峰詩四首爲王士登賦

愛閒習靜號雲峰
多病時時訪赤松
每住名山長數月
不防雲樹隔千重

山勢連天眼界寬雲容作雨欲漫漫氤氲川澤
潛通氣突兀峰巒聳異觀

有孫有子代耕耘結伴遊山每日曠惜問歸來
何太晚洞前掃石坐看雲

卜居原為絕喧極人遠山深誰與陪莫道無心
雲出岫朝昏占斷釣魚臺

讀皇甫百集還山詩

皇甫弟兄宦不違并沉內外適相更還山今日
有佳帙風月無邊誰與爭

戲題二首

悟得先夫與後夫不因師授不書傳百年漫道
身為客事月能令骨是仙

蘆生膝上烏巢肩異事流傳未必然從俗齋僧
聊作戲日來安却幾單禪

喜聞唐荆川復官三首

暫借兵曹寄此身野看大拜極人臣已知起
非其願竊喜朝堂又得人

臺卿俱是同時友翻把高賢作屬官出處偶然

同柳下指揮行見却呼韓

荆川原是濟川才不獨文章耀上台
邁會逢辰湏早出謾勞郡吏及門催

賀夏黌山以州正擢府貳二首末首用一

字韻體

新街喜與父同官再一陞遷簪多冠不但里中

稱世宦文光直逼斗宮寒

乃尊西埠公以御史
請學聯歷陞二守僉

憲有
文名

授易敬公誰並駕

東漢夏恭字敬公精于易門
徒常千人黌山累世業易詩

內因夏珪因畫隨車駕夏珪畫列神品得倖道

及之畫且能伯貞多藝復多才伯貞字州守新遷為

別駕

初秋大風雨山水臨城紀異六首

夏旱農人欲斷魂秋來雲霧晝昏昏雨多不但禾生耳風急仍將樹撥根

土築城垣懼不牢飄風驟雨壯洪濤倘然夜至如前歲郭外居民無所逃

廬舍漂搖潰作渠水消猶自未安居訛言遠邇

相傳插山漲重來八月初

秋雨連旬悶不禁聊將音樂慰吾心難彈高調
琴絃慢聲不喧闐鼙鼓沉

異災奚啻鄉人苦遠客聞之慘不舒獨幸城中
蒙福力眼看兩度免為魚

南仆秋禾還未起北來風力尚猶強莫云往日

災為甚似此愁人不可當

大正德戊寅大水巳卯

風水兼至後又久雨暫晴又即雨雖較前稍
輕然四十年來惟有此度為害不細父老傳言
每三四十年水必一次薄城觀城城南古堤蓋為
障水設也豈入之災天之數若果手齊耶詩後

謹書此以誅左驗願鄉人并宦於
吾鄉者及時脩人事以回天意云

自嘲并懷鄒東郭楊升菴龔雲岡三太史

共四首

薄宦虛名有厚顏歸來猶未入深山隨人哭笑

居城市二媿相違咫尺間

右自嘲

衆望高賢早賜環此身未老已投閒鄒陽豈但

閑辭賦自媿高踪不可攀

右懷鄒東郭

久戍漠中未量移橫移亦是出恩私楊雄賦字

稱無算萬里書來尚問奇

右楊升菴

龔勝由來著盛名漢書彷彿見平生八閩道遠
無音問著述傳聞久已成右龔雲岡

竊聞 朝廷火災林下小臣恭為此詩共

六首

鬱攸何事偏為厲 鳳闕龍樓一夕空皂嶙金
蛇飛萬道北風助力半天紅

禱雨雷壇方有應大遭內變出無前正朝三殿

鎔為燼延及門廊莫不然詔書有云昨大遭無
前之內變禱澤於雷

電洪應之壇方喜靈雨之垂隨有雷火之烈正
朝三殿一時燃焉延及門廊候刻燃矣文辭簡

古出自
詞臣代筆
聖製有非所能及

火災 九廟吾官罷今日 朝堂又復災 聖

主恩深寬策免隱憂明詔九天來

成祖臨軒十九年 奉天殿上忽飛烟正當孟

夏同今月仁愛天心倍似前

白鶴黃門曾被火今番烈焰古無如不求百辟

瘵官罪惟下十行自責書

樓殿宜無不修理
此聖諭也遣官採石兼催木魏

我不日勝前規 玄德潛通神力助

寄致政大參王遵巖二首

每因難弟聞音耗今又休官伴長君東國何時

傳鴈字南都喜已刻雄文

乃弟東臺近以少卿政洪正郎刻其家

居集於留都

用世塵心久不作工文習氣未全融著書又一
文中子迹還同河上公

贈濟寧劉九二首

世上心盲目不盲目明不若此心明劉郎歌比

張司業轉記人稱虞伯生

張籍官司業而善歌古詩韓昌黎謂其

不亞吹竹彈絲敲金擊石虞集博學善記以文
宗代草事喪明九官人目雖盲善記誦善歌南
北詞曲

門第原來是世家不徒鼓吹善琵琶推占內養
兼醫藥百試曾無一試差

戲贈棊士吳橘隱

相逢不爽相期日觸暑衝泥慰所思終歲終朝
饒一馬千盤未得一和棊

贈致政司諫劉後峯十首

雍容往歲居青瑣慷慨乘時奏皂囊遷謫南荒

途路遠罷歸東國姓名香

今日家居伴者誰曾為諫議直黃扉見幾不待
秋風起赴飲惟隨明月歸

定居城北景偏多墻下垂楊墻外河黃鳥向人
呼伴侶白鷗與我共烟波

同舍連名騰諫疏各蒙譴謫向邊隅當言不是
添蛇足冒險真如拏虎鬚

舊軍名鎮佳山水山簷青峯水漲濤無事登臨
從衆樂有人悵望羨吾高

西沉明月水東流，弦上光陰不可留。
休笑年來長是醉，但教醒處莫非愁。

解官幸免簿書勞，豹隱龍襄隨所遭。
林下矜持全晚節，人間名利等秋毫。

間爲課農或早起，每陳家宴坐深更。
客能屢謁方延座，事必多端始入城。

人散燈殘睡正濃，驚迴曉夢思重重。
攬衣欲枕從容聽野店鷄聲，野寺鐘。

客欲遊山數日迴，囊中綰絡酒錢空。
追陪道旁偶爾。

逢樵父試問黃花開未開

送石川康太守服滿上京候補任四首

讀禮三年不出戶服官將復謁承明股肱重郡
誰堪托屏上先時有姓名

何方竹馬爭迎郭又見蒲鞭共慕劉國器外方
難久借京卿不日拜宸旒

漢署郎為唐郡守虎符熊軾歷郵亭民情獨照
心如日仕路多年鬢未星

是處能令民不爭少年吏事已多更郡齋閒讀

猶良傳自許他年亦與名

贈善醫遊客

家傳三世只攻醫君更勞心術更奇為客半生
行紫陌病人起死本黃岐

寄鄔陵尹張鳳臺四首原自錢塘調任

折獄由來惟一語法持三尺不戕民官清莫謂
衙齋冷仁被閭閻暖似春

舊政煩苛從實減新來戶口不虛增拔葵歛水
真應吏會有天書早見徵

仁雨兩方民共沐福星一路衆皆推阜財歆佐
南薰曲珍重囊琴每自隨

長慈彭澤門前柳幾見河陽縣裏花兩地五年
淹滯久佇看賜履走東華

謝上官惠曆二首

閒居歲月任悠悠旱澇關心餘不愁桃洞秦人
忘甲子又承賜曆識春秋

浮生擾擾欲何爲陰晦晴明無定期朝暮不憂
身外事歲華只在鬢邊絲

向友人覓菊栽

百花惟菊傲風霜
習懶年餘園已荒
携客秋來期共賞
故人莫惜借餘芳

秋深村况三首

農休事簡人多醉
風靜秋深蟲獨喧
城市自然閒
客少過時不見款柴門

近交誰復是良朋
一半山人一半僧
落葉滿階風自掃
危樓象與月同登

天氣秋高正次寥
海風雖急不終朝
幾畦藜菊

如雲爛兩岸蘆花似雪飄

悔作文事

自愧原非作賦才幸于詞客得追陪
澗塗置筆將焉用豈若捐文放酒盃

有懷梧岡王郡守時已喪母將歸

入仕念年猶領郡羈身萬里遠親庭
只愁聞訃歸來日鶴唳猿啼不忍聽

悼中孚李養正舉人

鄉書早已薦東方累試南宮名未揚
三世善良

君不永頌白妻母苦相將

孟子道子路斑謂五十之

老白謂七十之老也亦說老人頭半白黑蓋專為斑字士多認作檢訓斑白者誤也

悼亭山劉次甫上舍

能詩善射長馳馬雄飲豪遊嘯且歌妾屬他人國
屬我生前為樂悔無多

悼靜泉李淑薦秀才

靜泉亦有小聰明病日食蒸悞半生買有薄田
家稍裕未酬壯志恨難平

悼東川李子靜秀才

李君不是無能者過謹深藏性似偏怒甚口中
無諍語病沉手不釋遺編

悼太微張孟獨比部

長髯海內擅詩名口似懸河人盡驚
掄館年餘知己晚多應宿草滿立生

悼西泉張一清主簿

官罷歸來還市藥面長髮白形如鶴未登七十
衆皆嗟良劑遺方空滿橐

悼養新謝仲和貢士

笑言啞啞有風騷日夜營家不憚勞詩律字書
俱作者章城是亦一人豪

謝謝少溪惠魚次谷少仙韻五首

為有長竿得巨魚送來正值酒罇虛呼童亟往
隣家借醉後成詩壁上書

嘗聞驟雨落河魚魚大吞舟莫道虛味美何須
分小大享君厚惠讀吾書

江南倭害衆為魚耕種相妨一日室虛君比謝安
閑將略我非李泌上農書

鮮美無殊丙穴魚烹調宴客夜窓虛偶聞鱸
為何物却是當年封禪書

惠魚味可比鱸魚張翰知幾名豈虛蓴菜河邊
新可采沉酣猶不廢丹書

即事次前韻三十四首

好是忘筌已得魚林居踪跡類逃虛為漁甘了
今生事不望天邊下鶴書

倭寇真如遊釜魚功成何日賞朱虛南來羽檄
時時急城上誰飛燕將書

七言絕句詩十六
飲無美酒食無魚忽報漁翁網不虛欲訪醉鄉
何處是飛帘斜挑一行書

屈平何苦楚江魚博學相如賦子虛千古入豪
吾不效閉門自草太玄書

婦藏斗酒僕携魚醉後高歌渺六虛狂態自
人所棄終無徵取紫泥書

巡警街頭響木魚天邊明月幾盈虛閑居
逢良夜愛讀周南太史書

家世藏書苦蠹魚一言悟道萬言虛始知道為

多言喪爭似心齋不讀書

當時僚末捻金魚極品終來亦是虛莫訝居人
無訊問稽康先有絕交書

世羨任公善釣魚六鈞周歲網常虛罔貪近利
弘經濟勲業宜登不一書

大鵬原是北溟魚翼若垂雲薄太虛欲效謫仙
希有賦只爭禿筆不中書

訛字連朝校魯魚解疑要在此心虛戶開忽有
南薰入吹落床前滿地書

淺見嗟予似壁魚衰年猶自氣凌虛林泉恠得
終遺逸政府曾無咫尺書

好生孟簡放湖魚克已顏淵實若虛假使譸張
兼謏薄一生空讀聖賢書

夜來頻夢衆維魚難說占書應驗虛東國近年
多旱澇自今大有必重書

處世如遊水底魚祇須在處極謙虛空空自視
無能甚莫謂堪稱行秘書

洪流微禹吾其魚箕數居中九五虛從此文明

千萬古為因河洛出圖書

誰道來清難餌魚生來時日不孤
虛得兒有數休嗟晚付托堂中萬
卷書

古言信可及豚魚滿覆傾歆為器
虛一語終身行不盡無勞更曬腹
中書

明香淨水薦時魚振佩聲聲夜步
虛臺斗一天潭月冷靈文朗誦道
家書

何須緣木去求魚生白原因室本
虛道在眼前人自遠支離空讀五
車書

打坐無眠司鑰魚修真似覺涉玄虛不如學圃
孤城下坐卧長看種樹書

蚍蜉群取硯中魚異事難窮實與虛保得百年
歸去後任教使者索遺書

敝網臨淵空羨魚月明照得一舟虛不如改業
為清客來往江頭只販書

城門失火及池魚實禍誰知名却虛當日罷官
三四子有人投遞匿名書

後魚多必棄前魚世上人情虛更虛干謁不行

嚴自守公卿誰上薦賢書

莊周采隱各觀魚一縱荒遊一用虛

李性學謂莊子文章

善用虛以其虛而天下之實豈若閉門無開口貪眠枕破鄴

侯書

莫食無鱗及餒魚朝昏修煉吸冲虛明師不遇

終無益趙括徒能讀父書

腊就澗河厭若魚寓言物外世疑虛武成只取

二三冊泥古之人盡信書

水邊浴鳥水中魚風順帆輕若在虛行樂不虞

船發漏可憐壞我古今書

讀書情似泣枯魚

古樂府枯魚過河

腹內文章

從此虛細訪誰家藏善本銀錢不惜倩人書

自嘆終為池沼魚化龍難望得憑虛不平事至

堅能忍角受張良圯上書

為文活潑類遊魚一實中間間一虛三代書成

無用法後人無法不成書

語云三代無文

佳人容貌似沉魚傾國傾城莫謂虛聲應歌喉

堪入聽纖纖素手又能書

為淵多是獺鰂魚不信人賢國必虛盛世登賢
無恤衆野人將獻太平書

次前韻賀楊東江生子三首

曾來水盛必生魚得子虔誠感碧虛賀客吾今
同姓李定然不錯弄璋書

暫歸不必焚銀魚制虜邊方魯擣虛名遂功成
十載後賢郎又可繼詩書

後寵均平比貫魚術稱授子在乘虛吾年已長
當加勉願與君家交賀書

翁見海以方岳陞大中丞經過敝邑承賜
拜簡行急未及相會予方據韻和詩因
以一首貽之聊見謝意云

制府賞花兼釣魚將來寵眷日無虛過門投刺
不相見為赴嚴程畏簡書

再次前韻贈劉爾愚秀才

龍池養得一雙魚一待飛騰一已虛

爾愚近喪其弟故云

勵志定然為國士能文不久薦鄉書

聞王雲峯卧病仍次前韻詩以問之

養疾休餐雞與魚更分實實及虛虛迎醫不必拘三世只熟東垣十種書

詩雖次少岱韻未有專為少岱作者特補

贈六首

少岱專講修煉學是詩內多言及之

食魚何必只魴魚修道端能合碧虛釣突泉邊魚自美烹來熟讀枕中書

銅盆曾釣左慈魚賈誼前席久已虛仙學何須通國體且將高閣束新書

養氣如同藉水魚丹成指日上清虛真詮只在

參同辨不用多方訪異書

廉吏懸魚與却魚

詳卷公儀休

名傳信史不為虛宜

興舊令文章伯屏上題名未賜書

泉上修真兼養魚年來腹實却心虛長生兼得
為漁利不羨當官走薦書

可憐芳餌有懸魚名利如同春夢虛試問閒居
何所事日工左傳右軍書

再次前韻送武城簪亭王尚賢三首

養親日日有江魚不解多言不涉虛華胄遙遙

人所重一門禮讓世詩書

飲有清罇食有魚萬鍾千駟視猶虛名臣遺後
無他物滿耳清風滿架書

送行樂作出遊魚主客同觀席暫虛君去逢人
如問我今文方註伏生書

再次前韻寄贈武城令謝南洲

久旱山焦水不魚東方十室九空虛武城獨有
循良牧民得安居士讀書

杏里王亞卿致政抵家再借前韻為詩代

候二首

濟水相隣有活魚買魚可祭官囊虛誠心直道
人皆信言踞翻騰指摘書

雲外冥鴻水底魚達人處世不拘虛子見莊流行
坎止隨吾遇周易非專卜筮書

賀謝正甫選東床未成 欽賜秀才

虛惹天風兩袖香銀河未渡謫仙郎書生本是
龍門客懶效吹簫引鳳凰

漫題

宦遊蹤跡類浮萍聞道萍因柳絮成柳絮飄飄
萍不定羅歸誓不出前楹

謝友人惠雪梨葡萄

雪梨香冽勝甘漿更有葡萄馬乳長野客久嫌
烟火氣不妨病齒嚙冰霜

僻遠村舍

曾歸綠野知聞況不犯紅塵斷世緣山水自超
人境外無僧無寺也叅禪

奉謝楊方城寄書

年來再枉故人書書內慇懃慰索居九子六孫
還八女君家福蔭世無如

歲終寒夜有懷念菴子

冬夜懷人耿不眠燭香寒焰復寒烟路遙江右
三千里月又天邊十二圓

閨世偶書

人情更比秋雲薄酒興堪同暑氣濃醉後猶嫌
天地窄與人何所不能容

即事三首

三苗垂實百花香一雨成秋陡覺涼農圃倦動
思晝寢夢魂還繞五雲鄉

遠山遠水舊田廬處處清幽事事疎見客歲惟
三兩次可耕可釣可觀書

曾聞驟北三千盛不列鴛班二十秋法眼已穿
纔識馬機心久息不驚鷗

冬夜賞菊及雜花次日有作

黃菊風來噴夜香寒花月上闌殘粧明朝戶外
家童報薄霧輕雲未有霜

嘆時政四首主者意善特奉行者壞之耳
均地忙猶救火忙青苗踏踐亦堪傷
安子窄小
簾繩短嗟嘆如經古戰場

鋤禾更值養蠶忙
犬地妨農最可傷
千種弊端
難究詰妄分水泊與山場

火甲開荒日日忙
挑濠擔土衆心傷
誰知善政
仁民意萬姓愁如赴法場

商賈無田獨不忙
傍觀亦為衆農傷
奸民猾吏
紛買囑當事如同夢一場

嘆老

雄心猶是少年心棄置誰憐歲月深
決肉忽驚一齒落衰容不但二毛侵

家人有患瘰癧者良醫洪石塘治之有
效詩以謝之一韻二首

毒瘡領下已成叢屢致名醫未奏功
獨有洪君能已此始知奇術惠無窮

自號石塘世姓洪良醫遠邇仰高風
前追薛紀堪齊駕廻視他醫迥不同

四家樂二首

四十歸田已是遲
四家樂處有誰知
鶯花作主
今朝事鷄黍
邀賓隔歲期
田邊綠樹是吾居
行坐歌謳不著書
莫笑老農
滋味薄
釣來盈尺有溪魚

望長白山

好景相逢在馬鞍
往年出使繫微官
臨歸今幸
無拘束
贏得東山仔細看

醉遊危山巖墓頂

數尺飛藤手自攀
湏臾身在白雲間
模糊醉眼不知處
誤把登山當下山

塞上曲一百首

雲旗獵獵龍蛇動
雷鼓嘈嘈虎豹藏
耶律受降甘質子
左賢悔罪不稱王

晝讀兵書夜枕戈
少年猛士出三河
乘時欲取封侯印
可奈天驕力請和

應募當年曾許國
累尸馬革亦相宜
平生壯志今何在
一度懷鄉一淚垂

棘門壩上真兒戲武備如今為故事莫恃邊關
高築城虜群來往如平地

驚聞火報向金微又復驅兵戰武庫道上偶驚
逢驛使傳言及早寄征衣

已過瓜期不放班天寒路遠淚潸潸交河北望
天連海朔野南來雪滿山

風急營中忽夜驚誤將軍出獲胡兵費龍成率
歸無日白馬將軍章有名

能令明主坐銷憂有戰功高獨不候冬令春和

俱入寇三軍豈但只防秋

繼發強兵初出關前軍早已奪燕山後兵掃虜
無留跡翻使前軍有厚顏

雲暗征旗雪滿衣將軍躍馬犯寒威胡兵一哨
滿山谷不顧微軀首潰圍

堂上張燈酒正豪帳前駿馬縮寒毛忽聞羽檄
倏來急上馬酖醺弄寶刀

無虜到來傳砲火有人行處斷炊煙虜驚自是
尋常事墩堡堪憐不似前

探踪偶爾近龍堆黑霧黃雲凍不開林外鷲聞
鳴鶴過始知胡騎射鵬迴

士奮馬騰廟算長胡奴膽破盡來降元戎實受
千金賞天下虛傳一字王

天邊噓噓鴈南飛時值秋高戰馬肥醜虜若還
輕肆侮定然不放隻輪歸

材官甲士不安眠較射團操防未然探卒報來
消息好虜相讐殺罷侵邊

一陣沙因一陣風迎風拒敵保雲中不將虜

塗原野對衆羞稱堵截功

不經大挫不知懼怪得胡兒犯順多復套既然
蒙重戮鵠集罪復合如何

寒風猶自透戎衣旅鴈南旋又北飛乍見微黃
柳色喜豈知內地已春歸

黃河萬里障邊隅黠虜年來謀計殊不用輕帆
與短棹渾脫驢飛渡只須臾

先遣奇兵破虜殘後軍追至已無干見人受賞
心雖熱竊喜趨裘膽正寒

大宛馬燕吐谷駝貢象上國歌求和天竺有道
傳天語俯順夷情暫罷戈

前出師無後出師孔明謀略可追隨似茲大將
應無敵好慰君王拊髀思

虎旅紛紛列虎牙龍庭漠漠走龍沙未交八月
先飛雪已盡三春不見花

搆賊催軍道白狼欲將露布達明光偶逢枯骨
如山積誰吊悲風古戰場

夜來占象將星明決計今朝破虜營帳下甲兵

從地湧陣前鼓角動天聲

棘門士卒衆還雄更羨車攻馬又同自是經營
能竭力新來節制免從中

數年今得拜宸旒奏凱承恩冠列侯自是天威
可仰仗月前况獲落旄頭

將軍白馬曼胡纓萬里揮戈殺氣橫廻顧龍沙
迷騎跡遙聞鴈唳雄邊聲

飛沙慘淡月輪黃風斷雲迷鴈不翔千里人烟
久已絕空城鬼火走青光

懷鄉不射南飛鴈使虜疾驅北向車仰羨子卿
持漢節依隨蔡琰賦胡笳

數千鐵騎飽豺狼虛把捷音奏上方女哭兒啼
途忘日新墳只墓舊冠裳

交交白骨誰家子漠漠黃沙何日春戰敗空憐
能死士功成只是賞權臣

征夫觸目堪禽淚不但芻糧到骨窮營樹春來
惟細柳塞會秋盡只飛鴻

小卒翻能分主憂貂蟬多是出堦年生擒塞上

知名寇歸作朝中賜姓侯

拜將空闕舊將壇一聲寒鴈滿天寒塞窮實塞
惟如賦秋至防秋更設官

不見天山早掛弓羽書昨報寇雲中要舒按劍
天王怒金仗提兵將帥雄

神機坐制目中虜廟筭能驅掌上兵馬飽士孃
無箇事閒聽降騎話夷情

言北災徵各有之達人高士獨先知虜從古北
口中過內地先歌古北詞

朝來飲馬長城窟解下腰間血
鬪骸一夜奔馳聊假寐夢還鄉井醒添愁

壓地甲兵驚涿鹿照天烽火過盧龍
惟忠在此

休南牧

賀惟忠兼判易定等州威名震
歷十餘年邦丹不敢南向牧馬李廣堪

嗟竟不封

援兵半萬起塵埃立解重圍戶始開
漢逐虜群如拉朽虜驚漢將似飛來

一春不見暖融天自是要荒氣候偏
落地雪花原是雨漫天榆莢不成錢

捐軀只爲報君王不惜生分兩鳳凰塞外將軍
占太白閨中織婦泣流黃

帳內風來猶刺骨盃中酪酒亦生鱗人兵凍倒
長城窟不信中華別有春

從軍行與苦哉行辛苦從軍總怨聲急遽早餐
難解甲虛驚夜寐尚持兵

急救前營恐被傷負戈夜走劇倉皇眼前不辨
燕雲黑口內猶歌君馬黃

軍中苦樂不相同是在元戎秉至公將若偏私

兵不杜誰將功罪達宸聰

當日從戎纔束髮如今髮短半成霜子求代父
猶無許老死終難脫戰場

漢家數次講和親胡虜驕強久不馴兵弱豈能
征絕漢人多徒自起飛塵

天兵百萬逐呼韓部伍森嚴殺氣寒克走狐奔
無及顧人亡馬逸只空鞍

城壞鳩工早築城練兵不必請添兵細磨深剗
燕然石首列平胡大將名

丈夫有淚不輕揮歲歲思歸未得歸足底風蓬
長共轉眼前霜鴈去如飛

燒荒火發半天紅腥雨愁雲更北風千里奔騰
驚塞馬一聲決烈落飛鴻

訓養兵精馬又雄東風掃蕩虜群空料應史氏
青編上車騎高標第一功

嫖姚獨掌羽林兵將校分屯細柳營威寇勲名
馳北漠蒙恩甲第起西京

迎秋轉戰出河陽詔許冬初返故鄉走馬關鷄

兼飲博重遊結客少年場

陣排日月瞻天象營列山川本地形塞北驚聞
多漢將幕南不復有王庭

驅兵放馬各歸農大將功成首受封千隊虜酋
如伏兇九重天子是飛龍

推轂親承督府權出師特為遏居延不惟主帥
謀無勇小校偏多惡少年

一日能成破虜功旗翻掣電劍磨空將多長策
軍長技國運方興虜運窮

驚聞胡騎薄長安冬月驅兵遣將難掩日塵沙
城壕黯漫天風雪隴頭寒

邊庭宿將有誰如師老軍貧氣自舒頭白時常
不免買眼昏猶自看兵書

荷戈擐甲爲勤王卒遇番兵不可當徒步逃生
因墜馬箭來又復中金瘡

聖主真能焚謗書匈奴雖衆不難除攻心爲上
兵爲次坐使三邊得宴如

帳邊有警馬頻驚天上無雲日不明上將遠和

權開戶病痊殺過受降城

久廢屯田已可憂鹽銀年例總虛浮兵疲難守
黃河口况敢長驅青海頭

觸目傷心望不分生來何苦早從軍
涸花慘淡冰霜色塞草萋迷風露文

偵探巡山差獨多雪峰雲嶺鬱差我御筵安得
伶官傑高唱邊人怨恨歌

單于萬騎過盧龍郡桑郊民野棄農無論今
能保障戰功前次已堪封

奪陰山與斬樓蘭世事無如二事難將勇兵精
猶振落功成談笑入長安

降騎收為夜不收探踪打細更無休軍中月落
柝聲急城上風高笛韻悠

狼煙不復照天紅只為曾焚虜帳空較射何須
推李牧請纓不必待終童

敗績茅戎真可耻麟經垂戒到于今除凶報古
真名將膽略雄豪謀略深

胡地河流寒轉清邊城漢月曉偏明低頭飲馬

仲瞻月忽動思鄉萬里情

勤苦營中年復年晝無穩坐夜無眠直更不使
銅焦斷幾次還看烽燧煙

卒不安開馬不肥統軍誰是識兵機每逢一戰
一奔北出戍雖多歸者稀

刀缺猶能吞紫焰甲穿可惜墜黃金將無遠慮
師空老莫怪邊關屢受侵

封關只用一泥丸授鐵原從拜將壇兵勇長驅
青海靜爲多立飲濁河乾

四夷守在稱明主黷武窮兵國必窮公利散財
方是富兵惟不用乃為功

勝敗從來不可量好還天道豈茫茫誰知今日
藏胡地却是當年陷平場

傷離自是改朱顏雄威駭胡亦不還壯士已隨
秋草沒在人空上望夫山

雖聞組豆習干戈儒將雍容禮數多文事自來
兼武備天時地利與人和

情難莫若別離難況在青年衾枕單預約歸期

今已過信來又復戰暴乾

日日增兵選壯丁年年無計靖邊庭用兵若果
非難事無幾堪圖麟閣形

矢盡兵疲靠一濠驅填人畜勢難逃漢軍全沒
首無此胡馬何曾損一毛

夫戍漁陽已數年容衰羞到鏡臺邊鏡臺室內
如千里日日漁陽在目前

休誇上郡援雄圖虜困三朝勢已孤急遣內兵
馳往救途中不斷走金符

秋來聲鼓動邊聲追殺直過大宛城
偉績無前真虎將歸朝天子降階迎

遼窮戰士多無袴良將聞之心獨憂
冰月戎衣同受冷堪嗟債帥御重裘

鳴笳疊鼓急催軍今將威名古未聞
舍死深臨龍虎窟逃生無數犬羊群

雪嶺雲崖路不平夜深潛走鳥飛驚
虜中哨探無消息不到高秋不用兵

西征今復過臨洮北伐前年入不毛
未出轅門

翻受賞誰論兩地俱功高

破虜山前今再經曉行尚有兩三星日高始辨
朱旗色風起猶聞戰血腥

拓地須教起漢臺功成此日若轟雷凱歌聲壯
軍容肅殘虜收兵慟哭回

提兵直突盤龍路馳騎曾穿射虎林衰老只今
猶統衆雄豪無復少年心

在營每被武夫侵出戰長將虎穴臨塞上殘生
輕一縷腰間寶劍直千金

鉅鏜金鞍奪日光腰懸寶劍利如霜
貳師還作千夫長少小原為六郡良

奮身直取不花王萬騎千群總受降
試揭輿圖遙望長城之外亦金湯

九天日月又重輝萬里風霆總畏威
從此邊塵長不動聖君萬壽永垂衣

數詩贈武定醫士小峯石建寅吳兢樂府
解題亦列其名蘇門高憲長曾為此體
數字總加於各句之上予則錯綜於各

句之中高則一字起十字止予則自一字至億兆等十五數目字俱全且一韻三首非故犯其難也聊以備一格云爾
奕世能醫壓六州小峰一出更難儔千方俱自心中得百病先從指下求

五七年来醫術盛十人中有九人優君家去此幾三舍良劑能分兩地憂
四物湯中兼八物奇方滿萬此其尤能延億兆生人命國士無雙名不休

贈善書門客朱雲江

東國何人書最奇
雲江妙筆衆皆推
風行水上文如織
日露雲邊珠倒垂

經過繡江劉太守墓下一韻二首

衰草寒煙望不分
歸林鴉雀晚成群
一從埋玉泉臺下
誰復憐才得似君

當年聲價善時文
今日淒涼一古墳
地下有靈識季子
特來掛劍慰徐君

審處有序

農漁皆隱者事農居田里漁則猶在風
波吾將為農乎為漁乎二者必居一於
此吾將為農矣

嘗就農漁籌上策為農獨不犯風波漁舟猶畏
風波險仕路風波險更多

贈造刻漏者有序

濱人王堯弼善製更鼓器極精巧黃昏
後發鼓三鼓鐘聲緊慢一百八杵而二
十五更點無爽二十四節氣平分黎明

鐘鼓亦如之夜之早晚時之短長或就
寢或啓行或工作或耕種不失其宜而
生子女又得真正時刻雖僻村下邑亦
與通都大聚相同為予舊嘗有作日久
損壞今再修補將行遂贈之以小詩短
序以俟有同嗜好者重其器因以知其

人

身携奇伎足為生至處令人倒屣迎
更鼓分明知早暮勿論荒塢與山城